

Hysbysiad Preifatrwydd – Y Cwmni Benthyciadau Myfyrwyr Cyf



sfe

student finance england

Student Finance England yw'r gwasanaeth cyllid i fyfyrwyr a ddarperir yn Lloegr gan y Cwmni Benthyciadau Myfyrwyr Cyf.

Rhif Cyswllt: **0300 100 0607**

cyllid myfyrwyr **cymru**
student finance **wales**



Ariennir gan
Lywodraeth Cymru
Funded by
Welsh Government

Cyllid Myfyrwyr Cymru yw'r gwasanaeth cyllid i fyfyrwyr a ddarperir yng Nghymru gan y Cwmni Benthyciadau Myfyrwyr Cyf, a ariennir gan Lywodraeth Cymru.

Rhif Cyswllt: **0300 200 4050**

studentfinance*ni*

Student Finance NI yw'r gwasanaeth cyllid i fyfyrwyr a ddarperir yng Ngogledd Iwerddon gan y Cwmni Benthyciadau Myfyrwyr Cyf a'r Awdurdod Addysg, a ariennir gan Weithrediaeth Gogledd Iwerddon.

Rhif Cyswllt **0300 100 0077**

SAAS

Student Awards Agency Scotland
Funding your future

SAAS yw'r gwasanaeth Cyllid i Fyfirwyr a ddarperir yn yr Alban. Mae'r Cwmni Benthyciadau Myfyrwyr Cyf yn gweinyddu gwybodaeth a phrosesau yn ymwneud â thalu ac ad-dalu benthyciadau yn unig ar gyfer y gwasanaeth hwn.

Rhif Cyswllt **0300 100 0609**

Contents

Cwmni Benthyciadau Myfyrwyr Cyfyngedig (“SLC”, “ni”, “ninnau” ac “ein”)	3
Datganiad Diogelu Data / Hysbysiad Preifatrwydd (yr “Hysbysiad”)	3
Pa wybodaeth ydyn ni’n casglu amdanoch?	4
Sut mae’ch gwybodaeth bersonol yn cael ei gasglu?	5
Sut fyddwn ni’n defnyddio’r wybodaeth amdanoch chi?	6
Sail Gyfreithiol ar gyfer Prosesu eich Gwybodaeth Bersonol	7
Newid Diben	7
Penderfyniadau wedi’u hawtomeiddio	8
Deallusrwydd Artiffisial, Dadansoddeg a Dysgu Peiriant	8
Rhannu Data	9
Trosglwyddo Gwybodaeth tu allan i’r UE	11
Diogelwch Data	12
Dargadw Data	12
Hawliau Mynediad, Cywiro, Dileu a Chyfyngu	13
Hawl i Dynnu Cydsyniad yn Ôl	14
Swyddog Diogelu Data a’r Hawl i Gwyno	14
Newidiadau i’r Hysbysiad hwn	14

Cwmni Benthyciadau Myfyrwyr Cyfyngedig ("SLC", "ni", "ninnau" ac "ein")



Datganiad Diogelu Data / Hysbysiad Preifatrwydd (yr "Hysbysiad")



SYLWER: Mae'r Hysbysiad hwn yn berthnasol i gwsmeriaid (gan gynnwys ymgeiswyr, myfyrwyr, rhieni, gwarcheidwaid, llys-rieni, partneriaid a/neu noddwyr), manylion unrhyw drydydd parti sydd gennym (gan gynnwys cysylltiadau a dibynyddion eraill), a chyflenwyr (y cyfeirir atynt wedi hyn fel "chi", "eich", "cwsmer", "myfyriwr" a/neu "cyflenwr" fel y bo'n briodol yn y cyd-destun penodol) fel rhan o gefnogi cais neu ad-daliad, yn ystod eich perthynas â ni. Esbonia'r Hysbysiad sut gall SLC ac eraill ddefnyddio gwybodaeth bersonol (fel y diffinnir isod).

Mae SLC yn sefydliad dielw dan berchnogaeth y Llywodraeth a sefydlwyd yn 1989 i ddarparu grantiau i fyfyrwyr mewn prifysgolion a cholegau yn y Deyrnas Unedig ("DU"). Trosglwyddwyd rhai swyddogaethau penodol yn ymwneud â chynlluniau cyllid i fyfyrwyr o fewn y DU i SLC gan:

- yr Ysgrifennydd Gwladol dros Addysg,
- Gweinidogion Cymru,
- Adran yr Economi, Gogledd Iwerddon, a
- Gweinidogion yr Alban;
cyfeirir atynt ar y cyd o hyn ymlaen fel "Gweinyddiaethau'r DU".

Os ydych chi:

- wedi gwneud neu gychwyn cais am gyllid myfyrwyr trwy:
 - » Student Finance England ("**SFE**"),
 - » Cyllid Myfyrwyr Cymru ("**SFW**"), neu
 - » Student Finance Northern Ireland ("**SFNI**")
(neu os ydych chi'n rhiant neu'n bartner sydd wedi cefnogi cais o'r fath trwy SFE, CMC neu SFNI),
 - » Student Awards Agency Scotland ("**SAAS**"),
 - » Gwasanaethau Cyllid Myfyrwyr fel myfyriwr o'r Undeb Ewropeaidd ("**UE**") sy'n astudio yng Nghymru, Lloegr, neu Ogledd Iwerddon, neu
- wedi ymgeisio am Lwfans Cynhaliaeth Addysg ("**EMA**") a ariennir gan Gynulliad Gogledd Iwerddon,
- wedi ymgeisio am LCA neu Grant Dysgu Llywodraeth Cymru a ariennir gan Lywodraeth Cymru, ac/ neu
- darparu gwasanaeth i fyfyriwr, yn cynnwys, i roi enghraifft heb gyfyngiad, gefnogaeth gofal plant ac/ neu Lwfans i Fyfyriwr Anabl ("**DSA**").

yna, yn rhan o'ch cais, byddwch wedi darparu gwybodaeth ("**gwybodaeth bersonol**"). Bydd SLC yn cadw a defnyddio eich gwybodaeth bersonol i weinyddu'r cynlluniau cyllid i fyfyrwyr (neu ran ohonynt) yn y Deyrnas Unedig ar gyfer ac ar ran Gweinyddiaethau'r DU.

Mae SFW a SFE yn enwau masnachol SLC, sy'n darparu gwasanaethau cyllid i fyfyrwyr ar gyfer myfyrwyr sy'n byw yng Nghymru a Lloegr fel ei gilydd. Mae SFNI yn bartneriaeth rhwng SLC a'r Awdurdod Addysg yng Ngogledd Iwerddon, sy'n darparu gwasanaethau cyllid i fyfyrwyr ar gyfer myfyrwyr sy'n byw yng Ngogledd Iwerddon. Mae Gwasanaethau Cyllid i Fyfyrwyr yn enw masnachol SLC, sy'n darparu gwasanaethau cyllid i fyfyrwyr ar gyfer myfyrwyr o'r UE (a heb fod o'r UE pryd bynnag mae hynny'n berthnasol) sy'n astudio yng Nghymru, Lloegr neu Ogledd Iwerddon.

Bydd y wybodaeth bersonol yn eich cais yn cael ei chadw gan SLC yn unol â'r ddeddfwriaeth diogelu data berthnasol ar gyfer y dibenion a nodir yn yr Hysbysiad hwn. Mae'n bwysig eich bod yn darllen yr Hysbysiad hwn, ynghyd ag unrhyw Hysbysiad Preifatrwydd arall y gallwn ei ddarparu, fel eich bod yn ymwybodol o sut a pham yr ydym yn defnyddio gwybodaeth o'r fath.

Pa wybodaeth ydyn ni'n casglu amdanoch?

Fe allwn gasglu, storio, a defnyddio'r categorïau canlynol o wybodaeth:

- manylion cyswllt fel enw, teitl, cyfeiriadau, rhifau ffôn a chyfeiriadau e-bost personol,
- dyddiad geni,
- rhyw,
- Rhif Yswiriant Gwladol ("NINO"),
- data ariannol, yn cynnwys manylion cyfrif banc, manylion ad-daliadau benthyciad myfyriwr a manylion incwm blynyddol,
- manylion cenedligrwydd a hawl preswyllo,
- hanes addysg,
- hanes preswyllo,
- manylion y cartref (er enghraifft os oes gennych chi unrhyw ddibynyddion),
- statws cyflogaeth,
- eich cyfeiriad Protocol Rhyngwryd, a manylion pa borwr y we a'r ferswin a ddefnyddioch,
- gwybodaeth ynghylch sut ydych chi'n defnyddio gwefannau SLC (gan gynnwys dadansoddeg data), cwcis a thechnegau tagio tudalennau. Ceir rhagor o fanylion ar y gwefannau perthnasol e.e. Cwcis aw GOV.UK (www.gov.uk),

a

- unrhyw wybodaeth arall fyddwch chi'n ei gwirfoddoli i ni trwy gyfathrebiadau rhyngoch chi ac SLC

Fe allwn hefyd gasglu, storio, a defnyddio'r "categorïau arbennig" canlynol o wybodaeth bersonol:

- gwybodaeth am eich hil neu ethnigrwydd, cred grefyddol, a chyfeiriadedd rhywiol (er mwyn i ni allu, er enghraifft, cydymffurfio gyda'n dyletswydd cydraddoldeb sector cyhoeddus dan Ddeddf Cydraddoldeb 2010),
- gwybodaeth am eich iechyd, yn cynnwys unrhyw gyflyrau meddygol: a chofnodion salwch (er mwyn i ni allu, er enghraifft, weinyddu ceisiadau ar gyfer DSA a gwneud addasiadau rhesymol yn unol â'n rhwymedigaethau statudol dan Ddeddf Cydraddoldeb 2010), a/neu
- gwybodaeth am gollfarnau troseddol a throseddau (er enghraifft, ble darperir hyn fel tystiolaeth i gefnogi cais neu apêl).

Mae'n bosibl y byddwn hefyd yn casglu, yn storio ac yn defnyddio'r categorïau canlynol o wybodaeth am aelodau o'ch teulu neu'ch cartref, gan gynnwys dibynyddion sy'n blant neu'n oedolion, er mwyn asesu a ydych yn gymwys i gael cyllid i fyfyrwyr, a'ch hawl iddo (ac, os byddant yn gwneud cais am gyllid myfyrwyr yn ddiweddarach yn eu rhinwedd eu hunain, at ddibenion pennu eu hawl eu hunain i gyllid myfyrwyr):

- enw,
- dyddiad geni,
- rhyw,
- manylion ariannol, yn cynnwys incwm,
- manylion cenedligrwydd a hawl preswyllo, a
- manylion gofal plant neu addysg.

Gallwn hefyd gasglu, storio, a defnyddio gwybodaeth am unrhyw un gyda Phŵer Atwrnai, Dirprwy wedi ei benodi gan y Llys Gwarchod neu gydsyniad i weithredu ar eich rhan. I'r dibenion hyn gallwn felly gasglu'r categorïau canlynol o wybodaeth bersonol:

- manylion cyswllt fel enw, teitl, cyfeiriadau, rhifau ffôn a chyfeiriadau e-bost personol,
- dyddiad geni,
- perthynas i'r ymgeisydd, a
- hyd yr awdurdod/cydsyniad.

Sut mae'ch gwybodaeth bersonol yn cael ei gasglu?

Gallwn gasglu eich gwybodaeth bersonol fel a ganlyn:

- **Pan fyddwch chi'n ei ddarparu i ni'n uniongyrchol**

Gallwch roi eich gwybodaeth bersonol i ni trwy'r prosesau ceisiadau cyllid i fyfyrwyr, ad-daliadau benthyciad myfyriwr a gordaliad cyllid i fyfyrwyr. Gall yr gwybodaeth bersonol gael ei darparu gennych chi, eich partner, perthnasau (yn cynnwys llys-rieni) neu Atwrnai/Dirprwy Llys Gwarchod.

- **Pan fydd eich gwybodaeth bersonol yn cael ei throsglwyddo gan drydydd partïon**

Gellir rhannu eich gwybodaeth bersonol gan ac/neu ymysg y Rheolwyr Data ar y Cyd (fel y diffinnir yn y tabl isod dan Rhannu Data) i ddibenion gweinyddu eich benthyciad.

Gallwn hefyd gasglu gwybodaeth ychwanegol gan drydydd partïon, yn cynnwys Cyllid a Thollau EM ("HMRC"), y Swyddfa Gartref, adrannau eraill y llywodraeth fel yr Adran Gwaith a Phensiynau ("DWP"), ac asiantaethau atal twyll a gorfodi'r gyfraith fel Heddluoedd a'r Asiantaeth Trosedd Cenedlaethol.

Dylech wirio polisïau preifatrwydd y Rheolwr Data ar y Cyd perthnasol ac adrannau eraill y llywodraeth a enwir yr Hysbysiad hwn (ar gael ar eu gwefannau) i ddeall yn llawn sut fyddant yn prosesu eich data.

Sut fyddwn ni'n defnyddio'r wybodaeth amdanoch chi?

Rydym angen yr wybodaeth bersonol yma i weinydd cyllid i fyfyrwyr o fewn y fframwaith deddfwriaethol a osodir gan Lywodraeth y Deyrnas Unedig a Gweinyddiaethau'r DU. Yn benodol, rydym ei angen er mwyn:

- gweinyddu benthyciadau a grantiau i fyfyrwyr yn unol â Pholisi Gweinyddiaethau/Gofynion Rheoleiddio Llywodraeth y DU,
- prosesu eich cais am gyllid i fyfyrwyr,
- pennu a oes gennych hawl i gyllid i fyfyrwyr,
- wneud taliad cyllid i fyfyrwyr,
- cadw cofnodion cywir a chyfredol,
- ateb ymholiadau sydd gennych parthed eich cais am gyllid i fyfyrwyr,
- prosesu unrhyw gwyn neu apêl a gyflwynwch, a
- gweinyddu ac/neu ddilyn ad-daliad unrhyw fenthyciad ac/neu ordaliad o gyllid i fyfyrwyr a dderbyniwch.

Efallai y byddwn hefyd yn defnyddio eich gwybodaeth bersonol at ddibenion sy'n cynnwys y canlynol, ond heb fod yn gyfyngedig iddo:

- datgelu, ymchwilio ac atal trosedd gan gynnwys twyll ac/neu efadu ad-daliad gan ddefnyddio'r wybodaeth a ddarperir i ni, dynodwyr ar-lein, a gwybodaeth sydd ar gael yn gyhoeddus, megis ar y cyfryngau cymdeithasol neu lwyfannau cyhoeddus eraill,
- monitro cyfleoedd cyfartal,
- dibenion ymchwil ac ystadegol,
- caniatáu archwiliad i asesiad a thaliad cyllid i fyfyrwyr,
- cynnal neu ddatblygu systemau a phrosesau, a
- gwella lefelau gwasanaeth.

Sail Gyfreithiol ar gyfer Prosesu eich Gwybodaeth Bersonol

Rhaid i ni gael sail gyfreithiol dros brosesu eich gwybodaeth bersonol (a chategorïau arbennig o'ch gwybodaeth bersonol). Nodir y sail gyfreithiol dros brosesu gwybodaeth bersonol yn neddfwriaeth diogelu data. Bydd rhai o'r dibenion uchod ar gyfer prosesu yn gorgyffwrdd ag eraill, felly efallai y bydd mwy nag un sail gyfreithiol sy'n ein cyfiawnhau ni i ddefnyddio eich gwybodaeth bersonol.

Byddwn yn prosesu eich gwybodaeth bersonol yn bennaf er mwyn cyflawni ein tasg gyhoeddus o weinyddu cyllid i fyfyrwyr yn y DU ac i sicrhau bod arian cyhoeddus yn cael ei weinyddu'n briodol.

Mae prif rolau a thargedau perfformiad SLC yn cynnwys:

- defnyddio technoleg a phrosesau busnes gwell i gryfhau a symleiddio'r system cyllid i fyfyrwyr,
- gwneud gwelliannau a gwella profiad y cwsmer,
- cyflawni newidiadau i'r polisi cyllid myfyrwyr, a
- gwella boddhad cwsmeriaid.

Efallai y byddwn felly'n defnyddio eich gwybodaeth bersonol i'r dibenion hyn, sy'n rhan o'n swyddogaeth gyhoeddus. Mae prosesu eich gwybodaeth bersonol i wneud taliadau cyllid i fyfyrwyr hefyd yn angenrheidiol er mwyn i ni gyflawni ein goblygiadau i ddarparu cyllid i fyfyrwyr.

Mae gennym hefyd oblygiadau cyfreithiol dan Ddeddf Cydraddoldeb 2010, er enghraifft rhaid i ni gydymffurfio gyda dyletswydd cydraddoldeb y sector cyhoeddus. Felly gallwn ddefnyddio'ch gwybodaeth bersonol i gyflawni'r rhwymedigaethau hyn.

Gan ein bod yn prosesu data categori arbennig, rhaid i ni hefyd nodi amod categori arbennig ar gyfer prosesu. Rydym yn prosesu data categori arbennig ble mae unrhyw un o'r canlynol yn berthnasol:

- i. mae'n angenrheidiol am resymau budd sylweddol i'r cyhoedd,
- ii. mae gennym eich caniatâd penodol, neu
- iii. mae'n angenrheidiol at ddibenion archifo er budd y cyhoedd ac at ddibenion ystadegol.

Newid Diben

Fyddwn ni ddim ond yn defnyddio eich gwybodaeth bersonol ar gyfer y dibenion y gwnaethom ei gasglu, oni bai ein bod yn ystyried yn rhesymol bod angen i ni ei defnyddio am ddiben arall a bod hynny'n gydnaws â'r diben gwreiddiol. Os byddwn angen defnyddio eich gwybodaeth bersonol i ddiben gwahanol, byddwn yn eich hysbysu ac yn esbonio'r sail gyfreithiol sy'n ein galluogi i wneud hynny.

Sylwer y gallwn brosesu eich gwybodaeth bersonol heb eich gwybodaeth neu gydsyniad, yn unol â'r rheolau uchod, ble mae hyn yn ofynnol neu wedi ei ganiatáu gan y gyfraith.

Penderfyniadau wedi'u hawtomeiddio

Oherwydd nifer y ceisiadau y byddwn yn eu derbyn yn flynyddol, mae SLC yn ailadrodd asesiad ein haseswyr SLC ac yn cynnal prosesu awtomataidd gan ddefnyddio'r un rheolau ag y byddai aseswyr yn eu defnyddio i benderfynu a yw ymgeisydd yn gymwys am gyllid yn seiliedig ar reoliadau a pholisiau'r llywodraeth.

Gall eich cais fod yn destun penderfyniad awtomataidd os ydych yn:

- fyfyrwr newydd yn ymgeisio am fenthyciad myfyriwr heb brawf modd,
- myfyriwr newydd yn ymgeisio am fenthyciad myfyriwr gyda phrawf modd, ar yr amod y gallwn gadarnhau eich hunaniaeth ac incwm yr aelwyd try ein trefniadau rhannu data gyda chyrrff eraill y llywodraeth,
- myfyriwr sy'n dychwelyd, sydd wedi ymgeisio'n flaenorol ac wedi derbyn benthyciad myfyriwr heb brawf modd, neu
- myfyriwr o Ogledd Iwerddon sy'n dychwelyd, a oedd yn flaenorol gyda phrawf modd.

Mae'r prosesu awtomataidd hwn hefyd yn lleihau'r angen i chi gwblhau cais llawn ar gyfer blynyddoedd academiaidd dilynol os nad yw'r wybodaeth a ddarparoch i SLC yn flaenorol wedi newid. Os yw'ch gwybodaeth wedi newid, gallwch wneud newidiadau â llaw i'ch cais ar eich cyfrif ar-lein neu gysylltu â ni ar y rhif ffôn perthnasol ar gyfer eich domisil yn unol â thudalen un yr hysbysiad hwn. Unwaith y byddwch wedi gwneud y newidiadau â llaw ar-lein, bydd hyn yn ysgogi ailasesiad o'r cais gan aseswr, a fydd yn ailasesu eich cais yn seiliedig ar yr wybodaeth newydd, ac yn gwneud penderfyniad newydd yn seiliedig ar yr wybodaeth wedi ei diweddarau. Efallai y bydd neu na fydd yr ailasesiad yn newid y penderfyniad gwreiddiol a wnaed.

Bydd y broses gwneud penderfyniadau wedi'i awtomeiddio yn cael ei hadolygu a phrofi yn flynyddol i sicrhau bod pob penderfyniad a wneir yn gywir ar yr adeg y'i cyflawnir yn seiliedig ar yr wybodaeth mae'r cwsmer wedi darparu i SLC yn eu cais y flwyddyn flaenorol.

Am ragor o wybodaeth ar sut y prosesir eich gwybodaeth bersonol trwy wneud penderfyniadau awtomataidd neu i herio penderfyniad awtomataidd, neu i ofyn am ymyrraeth ddynol, cysylltwch â ni yn defnyddio'r rhif ffôn cyswllt perthnasol ar dudalen un yr hysbysiad hwn.

Os ydych chi eisiau apelio yn erbyn ein penderfyniad i beidio dyfarnu cyllid i fyfyrwr i chi neu os ydych yn anghytuno gyda sut mae unrhyw gyllid wedi ei gyfrifo, cysylltwch â ni yn ddibynnol ar eich anheddle:

- Cymru a Lloegr - e-bost: **formal_appeals@slc.co.uk**
- Gogledd Iwerddon – cysylltwch yn uniongyrchol â'ch Awdurdod Addysg.
- SAAS – cysylltwch yn uniongyrchol â SAAS.

Deallusrwydd Artiffisial, Dadansoddeg a Dysgu Peiriant

Bydd SLC yn defnyddio Deallusrwydd Artiffisial ("AI"), gan gynnwys dadansoddeg a dysgu peirianyddol, dim ond pan fydd y gyfraith yn ein caniatáu ni at ddibenion gweinyddu cyllid i fyfyrwr, neu i atal a/neu ganfod trosedd. Mae AI yn ein cynorthwyo ni i ddysgu mwy am symiau mawr o ddata, gwella ein darpariaeth/gwasanaethau cwsmeriaid, atal materion ac ymateb iddynt.

Pan mae'r defnydd o AI yn effeithio ar brosesu gwybodaeth bersonol, mae SLC yn cydymffurfio â'r rheoliadau diogelu data perthnasol, diogelwch a safonau proffesiynol moesegol.

Rhannu Data

Efallai y byddwn yn rhannu eich gwybodaeth bersonol gyda thrydydd partiön ble fo'n ofynnol gan y gyfraith neu ble mae'n angenrheidiol i brosesu eich cais neu weinyddu cyfrif cefnogaeth myfyriwr (yn cynnwys ad-daliadau). Gall y trydydd parti hyn gynnwys y canlynol, ond heb fod yn gyfyngedig iddo:

Gyda phwy ydyn ni'n rhannu eich gwybodaeth	Pam ein bod yn rhannu eich gwybodaeth
Banciau a Chymdeithasau adeiladu	<ul style="list-style-type: none"> I dalu am fenthyciadau, grantiau neu fwrsariaethau y mae gennych chi hawl iddynt. Er mwyn atal a chanfod twyll.
Prif Weithredwr yr Asiantaeth Ariannu Addysg a Sgiliau	<ul style="list-style-type: none"> I fonitro perfformiad y system cyllid i fyfyrwyr ac i ddatblygu polisïau neu fentrau yn y dyfodol.
Darparwyr Gofal Plant	<ul style="list-style-type: none"> Dilysu'r wybodaeth a ddarparwch i ni fel rhan o unrhyw gais am gymorth gyda chostau gofal plant ac i sicrhau bod swm unrhyw fath o gymorth yn gywir.
Trydydd Partiön Wedi Contractio	<ul style="list-style-type: none"> I helpu SLC i gyflawni anghenion darparu gwasanaeth, efallai y byddwn yn rhannu eich gwybodaeth bersonol chi neu'ch dibynyddion yn unol â threfniadau rhannu data sy'n cynnwys mesurau diogelu data.
Cyflenwyr Cyfarpar Anabledd	<ul style="list-style-type: none"> I ddarparu'r gefnogaeth neu offer rydych angen fel myfyriwr (ble mae'r ymgeisydd wedi cydsynio).
Aseswyr Anghenion Anabledd	<ul style="list-style-type: none"> I sicrhau'ch bod yn cael y gefnogaeth rydych angen fel myfyriwr (er enghraifft, er mwyn iddynt gyflawni asesiad i bennu eich anghenion) (ble mae'r ymgeisydd wedi cydsynio).
DWP	<ul style="list-style-type: none"> I ddilysu a/neu gael eich NINO a'ch manylion personol gan gynnwys, os yw'n briodol, lefel unrhyw fudd-daliadau yr ydych yn eu derbyn ar hyn o bryd (at ddiben asesu eich cymhwysedd ar gyfer cyllid myfyriwr). I wirio incwm o fudd-daliadau i ddibenion ad-dalu.
Asiantaethau atal twyll a gorfodi'r gyfraith fel yr Heddlu a'r Asiantaeth Troseddau Cenedlaethol (Yn cynnwys CIFAS)	<ul style="list-style-type: none"> I wirio cywirdeb gwybodaeth a roddwyd i ni ac i atal a chanfod twyll yn y broses ymgeisio cyllid i fyfyrwyr ac yn fwy cyffredinol. Os rhoddir gwybodaeth ffug neu anghywir, ac y nodir twyll, fe anfonir manylion at asiantaethau atal twyll a gorfodi'r gyfraith a all gyrchu a defnyddio'r wybodaeth yma. Os canfyddir twyll, gellir gwrthod gwasanaethau, cyllid neu gyflogaeth penodol i chi. Ceir rhagor o fanylion ar sut y defnyddir eich gwybodaeth gan asiantaethau atal twyll o'r fath, a'ch hawliau diogelu data, trwy ymweld â www.cifas.org.uk/fpn
Swyddfa Gofrestru Gyffredinol	<ul style="list-style-type: none"> I wirio tystysgrifau geni a marwolaeth.

Gyda phwy ydyn ni'n rhannu eich gwybodaeth	Pam ein bod yn rhannu eich gwybodaeth
HMRC	<ul style="list-style-type: none"> Dilysu lefelau incwm os ydych yn cefnogi cais a dilysu a/neu gael eich NINO er mwyn hwyluso casglu ad-daliadau benthyciad gan fyfyrwyr. Gall CThEF hefyd fod wedi rhannu mynediad i wybodaeth eich cyfrif benthyciad er mwyn cynorthwyo SLC i gasglu ad-daliadau benthyciad ac er mwyn canfod twyll.
Y Swyddfa Gartref yn cynnwys Swyddfa Basbort EF ac Fisâu a Mewnfudo y DU	<ul style="list-style-type: none"> I ddilysu eich manylion pasbort neu hawlen fiometrigr preswyllo ac i wirio dilysrwydd fisâu, manylion preswyllo, a statws mewnfudo.
Asiantaethau Gwirio Hunaniaeth ac Incwm	<ul style="list-style-type: none"> I gyflawni gwiriadau Hunaniaeth ac Incwm, i hwyluso ad-dalu cefnogaeth i fyfyrwyr ac i ddibenion canfod twyll.
Y Ganolfan Byd Gwaith	<ul style="list-style-type: none"> I'ch helpu i gael NINO os oes angen (efallai y byddant yn gofyn i SLC ddarparu cadarnhad o'ch cymhwyster am fenthyciad).
Rheolwyr Data ar y Cyd: Gweinyddiaethau'r DU Yr Awdurdod Addysg SAAS	<ul style="list-style-type: none"> Darparu gwasanaethau cwsmeriaid i chi a monitro perfformiad y systemau cyllid myfyrwyr. Datblygu polisiau a/neu fentrau yn y dyfodol, ac at ddiben canfod twyll. Gall y sefydliadau hyn a'r SLC rannu data gyda thrydydd partion i ddibenion ymchwil ac ystadegau. Bydd unrhyw allbwn a gyhoeddir yn ddienw ac ni fydd modd adnabod unigolion.
Gwasanaeth Arian a Phensiynau (MaPS)	<ul style="list-style-type: none"> Cefnogi darparu cyngor ar ddyledion, (lle rhoddwyd caniatâd).
Gwasanaethau Busnes y Gwasanaeth Iechyd Gwladol; Cyngor Gofal Cymru; Cyngor Gofal Cymdeithasol Gogledd Iwerddon	<ul style="list-style-type: none"> I asesu a ydych chi'n gymwys i dderbyn cefnogaeth ffioedd dysgu ac/neu fwsariaeth.
Helpwyr anfeddygol	<ul style="list-style-type: none"> I sicrhau eich bod yn derbyn y cymorth allai fod angen arnoch yn y brifysgol
Trydydd Parti Cysylltiedig ag Ad-daliadau (gan gynnwys y Llywodraeth neu Asiantaeth Llywodraeth Gwlad arall ac/neu asiantaethau casglu dyledion/geirda credyd)	<ul style="list-style-type: none"> Cynorthwyo i leoli a/neu gynorthwyo i weithredu er mwyn adennill unrhyw daliadau sy'n ddyledus gennych lle'r ydych yn torri eich telerau ac amodau.
Trydydd Parti Cysylltiedig (yn cynnwys Darparwyr Cyfleustodau, Cwmnïau Ffonau Symudol, Cyngorau Lleol a Sefydliadau'r Llywodraeth e.e. CThEF)	<ul style="list-style-type: none"> Dilysu tystiolaeth yr ydych wedi ei rhoi i ni.

Gyda phwy ydyn ni'n rhannu eich gwybodaeth	Pam ein bod yn rhannu eich gwybodaeth
Darparwyr Tacsï	<ul style="list-style-type: none"> I sicrhau'ch bod yn cael cludiant os ydych chi wedi ymgeisio am DSA
Y Swyddfa Myfyrwyr ("OfS"), Ymchwil ac Arloesi'r Deyrnas Unedig ("UKRI") a Jisc (Asiantaeth Digidol, Data a Thechnoleg y DU).	<ul style="list-style-type: none"> I ddibenion cyflawni swyddogaethau statudol yn ymwneud ag ariannu addysg ac ar gyfer dadansoddiad ystadegol. Ni ddylai OfS, UKRI na Jisc ddatgelu pwy yw unrhyw unigolion mewn canlyniadau a gyhoeddir.
Prifysgolion, ysgolion, colegau a darparwyr hyfforddiant*	<ul style="list-style-type: none"> I dalu unrhyw gefnogaeth ffioedd dysgu i chi y mae gennych hawl iddynt. I brosesu eich gwybodaeth i ddiben eich darparu ag unrhyw Fwrsariaeth, LCA neu ysgoloriaeth y mae gennych hawl iddo. I ddilysu manylion eich cwrs astudio yn cynnwys manylion parthed cofrestru a phresenoldeb. I sicrhau bod myfyrwyr yn cael y gefnogaeth maent angen ar gyfer eu hastudiaethau os ydynt wedi ymgeisio am DSAs (ble rhoddwyd cydsyniad). I ddibenion ymchwil gyda chydsyniad y gwrthrych data.

Mae ein ceisiadau a'n canllawiau cysylltiedig yn nodi pa wybodaeth fydd neu all gael ei rhannu gyda thrydydd parti ac at ba ddiben. Adolygwch y rhain yn ofalus er mwyn cadarnhau pa wybodaeth bersonol a rennir gyda thrydydd parti.

* Prifysgolion, colegau a darparwyr hyfforddiant

Efallai y bydd y rhai myfyrwyr yn gymwys am Fwrsariaeth neu ysgoloriaeth nad oes rhaid ei ad-dalu. Bydd eich Prifysgol, Coleg neu ddarparwr hyfforddiant yn dod yn rheolydd data ar y cyd yr wybodaeth a ddefnyddir i bennu os ydych yn gymwys i dderbyn Bwrsariaeth neu ysgoloriaeth, ac os ydych chi'n gymwys, bydd yn talu'r swm perthnasol i chi. Er mwyn i'ch Prifysgol, Coleg neu Ddarparwr Hyfforddiant bennu eich cymhwyster, byddwn yn rhannu rhywfaint o'ch gwybodaeth bersonol yn cynnwys eich manylion cyswllt, eich amgylchiadau ariannol a manylion y cwrs yn ogystal â rhywfaint o wybodaeth am eich cymhwyster ar gyfer cyllid i fyfyrwyr gyda nhw. Os nad ydych chi eisiau i ni rannu eich gwybodaeth gyda'ch Prifysgol, Coleg neu Ddarparwr Hyfforddiant i'r dibenion hyn, cysylltwch â ni yn defnyddio'r rhif ffôn cyswllt perthnasol ar dudalen un yr hysbysiad hwn.

Mewn rhai achosion, bydd eich Prifysgol, Coleg neu Ddarparwr Hyfforddiant hefyd yn rheolydd data ar y cyd o wybodaeth cofrestru a phresenoldeb a ddefnyddir i wirio manylion eich cwrs astudio

Trosglwyddo Gwybodaeth tu allan i'r UE

Gallwn drosglwyddo'r wybodaeth bersonol a gasglwn amdanoch i wledydd eraill tu allan i'r UE wrth gyflawni'r dibenion penodol y casglwyd yr wybodaeth bersonol ar eu cyfer. Fyddwn ni ddim ond yn trosglwyddo'ch gwybodaeth bersonol i wledydd eraill tu allan i'r UE y mae eu cyfreithiau diogelu data yn cynnig lefel gyfatebol neu uwch o amddiffyn na chyfreithiau diogelu data'r UE a'r DU. Ble nad yw hyn yn bosibl, byddwn yn sicrhau bod mesurau diogelwch priodol ar waith i sicrhau y diogelir eich gwybodaeth bersonol. Am ragor o wybodaeth am drosglwyddiadau o'ch gwybodaeth bersonol tu allan i'r UE, naill ai ysgrifennwch at **Data Protection Officer, Student Loans Company, 10 Clyde Place, Glasgow, G5 8DF** neu anfonwch e-bost i **DPO@slc.co.uk**

Diogelwch Data

Rydym wedi sefydlu mesurau diogelwch priodol i atal eich gwybodaeth bersonol rhag cael ei cholli, defnyddio, neu gyrchu yn ddamweiniol heb awdurdod, ei haddasu, neu ei datgelu. Yn ogystal, rydym yn cyfyngu mynediad at eich gwybodaeth bersonol i gyflogeion, asiantau, contractwyr a thrydydd partïon eraill sydd ag angen busnes i wybod. Dim ond dan ein cyfarwyddyd ni fyddant yn prosesu eich gwybodaeth bersonol, ac maent yn destun dyletswydd cyfrinachedd.

Rydym wedi sefydlu gweithdrefnau i ddelio gydag unrhyw doriad diogelwch data a byddwn yn eich hysbysu chi ac unrhyw reoleiddiwr perthnasol o doriad ble mae'n ofyniad cyfreithiol i ni wneud hynny.

Dargadw Data

Mae SLC yn dargadw eich gwybodaeth bersonol, a gall ddargadw gwybodaeth partïon perthnasol (fel eich partner a'ch perthnasau) er mwyn:

- gweinyddu benthyciadau a grantiau i fyfyrwyr yn unol â Pholisi Gweinyddiaethau/Gofynion Rheoleiddio Llywodraeth y DU,
- galluogi asesiad o unrhyw gymhwyster neu hawl i astudio yn y dyfodol,
- caniatáu archwilio'r asesiad a thalu cyllid myfyrwyr,
- hwyluso ad-daliad cyllid i fyfyrwyr,
- nodi ac atal gweithgarwch twyllodrus,
- cynnal neu ddatblygu systemau a phrosesau,
- cydymffurfio â gofynion cyfreithiol a rheoleiddio.

Byddwn yn cadw eich gwybodaeth bersonol am gyhyd ag y mae'n angenrheidiol er mwyn cyflawni'r dibenion yr ydym wedi ei chasglu ar eu cyfer yn unig, gan gynnwys bodloni unrhyw ofynion cyfreithiol, cyfrifo neu adrodd. Er mwyn penderfynu ar y cyfnod cadw priodol ar gyfer gwybodaeth bersonol, rydym yn ystyried maint, natur a sensitifrwydd y wybodaeth bersonol, ei pherthynas â dyletswyddau a rhwymedigaethau cyfreithiol SLC, y risg bosibl o niwed o ddefnydd neu ddatgelu anawdurdodedig y wybodaeth bersonol, y dibenion yr ydym yn prosesu gwybodaeth bersonol ar eu cyfer a ph'un a ydym yn gallu cyflawni'r dibenion hynny drwy ffyrdd eraill, ac unrhyw ofynion cyfreithiol. Dan rai amgylchiadau byddwn yn cadw gwybodaeth bersonol am gyfnod amhenodol er mwyn cyflawni rhwymedigaethau cyfreithiol.

Pan fydd cwsmeriaid yn cymryd benthyciad myfyriwr, mae'n debygol y byddant yn gwneud ad-daliadau tuag ato am sawl blwyddyn ar ôl iddynt orffen neu adael eu cwrs. Mae hyn yn golygu y byddwn yn cadw'r rhan fwyaf o'u gwybodaeth nes eu bod wedi ad-dalu eu benthyciad yn llawn, neu ei fod wedi'i ganslo.

Mae ein Polisi Rheoli Cofnodion yn cynnwys camau allweddol lle all gwybodaeth sydd gennym ar gofnod cwsmeriaid gael ei lleihau drwy weithgaredd lleihau data/dileu. Er enghraifft, chwe blynedd ar ôl i gwsmer orffen neu adael cwrs, neu chwe blynedd ar ôl i gwsmer dalu ei fenthyciad yn llawn. Ar ôl i gwsmer dderbyn rhywfaint o gyllid nad yw'n ad-daladwy neu wedi talu ei fenthyciad yn llawn, byddwn yn parhau i gadw llai o wybodaeth cwsmeriaid ar ffurf cofnod 'Oes', gan sicrhau mai dim ond y swm angenrheidiol o wybodaeth i gyflawni ein rhwymedigaethau Rheoleiddiol dan ein Tasg Gyhoeddus sydd gennym, a dim mwy. Cedwir cofnod Oes cwsmer am 70 mlynedd ar ôl ei ddyddiad geni, ac yna caiff ei ddileu'n llwyr o'n systemau

Am ragor o wybodaeth ynghylch pa mor hir ydym yn cadw eich gwybodaeth a'r wybodaeth a gedwir mewn cofnod Oes, gweler Polisi Rheoli Cofnodion SLC drwy fynd i

www.gov.uk/government/publications/slcs-data-retention-policy neu ysgrifennwch at: **Data Protection Officer, Student Loans Company, 10 Clyde Place, Glasgow, G5 8DF** neu anfonwch e-bost at **DPO@slc.co.uk**

Dan rai amgylchiadau (er enghraifft, i ddibenion hyfforddi neu adrodd penodol) efallai y byddwn yn gwneud eich gwybodaeth bersonol yn ddienw [neu dan ffug enw] fel na fydd bellach yn gysylltiedig i chi, ac os felly gallwn ddefnyddio gwybodaeth o'r fath heb roi rhybudd pellach i chi.

Hawliau Mynediad, Cywiro, Dileu a Chyfyngu

Eich dyletswydd i'n hysbysu o newidiadau

Mae'n bwysig fod yr wybodaeth bersonol sydd gennym amdanoch yn gywir ac yn gyfredol. Mae rheidrwydd arnoch i roi gwybod i ni os bydd eich gwybodaeth bersonol yn newid e.e. unrhyw fanylion cyswllt a ddarparwyd gennych fel rhan o gefnogi cais - yn ystod eich perthynas â ni.

Eich hawliau mewn perthynas â gwybodaeth bersonol

Mae gennych yr hawliau canlynol mewn perthynas â'ch gwybodaeth bersonol:

- **Gofyn am fynediad** at eich gwybodaeth bersonol: Mae gennych chi hawl i gael mynediad i'r wybodaeth bersonol sydd gennym amdanoch, yn amodol i gyfyngiadau penodol, gan gynnwys y rhaid a sefydlir yn y Ddeddf Diogelu Data 2018 - cyfeirir at hyn fel cais gwrthrych am wybodaeth, neu DSAR. Ewch i <http://www.gov.uk/government/publications/data-subject-access-request> am ragor o wybodaeth os ydych am arfer yr hawl hon.
- **Gofyn i gywiro** eich gwybodaeth bersonol: Mae gennych yr hawl i gael cywiro'ch gwybodaeth bersonol os yw'n anghywir neu'n anghyflawn. Os ydych yn dod yn ymwybodol bod unrhyw wybodaeth sydd gennym yn eich cylch yn anghywir, dylech gysylltu â ni cyn gynted ag y bo'n ymarferol. Rhaid i chi roi gwybod i ni ar unwaith pan fyddwch yn dod yn ymwybodol o unrhyw newid mewn amgylchiadau, lle bydd angen gwneud newidiadau i'r wybodaeth bersonol sydd gennym yn eich cylch.
- **Gofyn i waredu (neu ddileu)** eich gwybodaeth bersonol: Mae gennych yr hawl i ofyn am ddileu neu ddiddymu eich gwybodaeth bersonol pan nad oes rheswm digonol dros barhau ei phrosesu. Bydd eich hawl i wneud cais o'r fath yn codi dan amgylchiadau penodol, er enghraifft, lle nad oes angen y data bellach at y diben y cafodd ei gasglu neu lle byddwch yn tynnu eich caniatâd yn ôl ar gyfer prosesu eich gwybodaeth (pan mai caniatad yw'r unig sail dros brosesu eich data). Os hoffech roi'r hawl hon ar waith, dylech gyflwyno cais yn nodi'r wybodaeth yr ydych yn dymuno ei dileu. Yna byddwn yn ystyried y cais hwn yn unol â'n rhwymedigaethau dan ddeddfau diogelu data ac yn unol â'n Polisi Rheoli Cofnodion.
- **Gofyn am gyfyngu ar brosesu** eich gwybodaeth bersonol: Mae gennych yr hawl i rwystro neu atal prosesu eich gwybodaeth bersonol dan rai amgylchiadau. Er enghraifft, os ydych yn herio cywirdeb y wybodaeth bersonol, gall prosesu gael ei gyfyngu nes i'r cywirdeb gael ei ddilysu. Gall hyn hefyd fod yn berthnasol pan ydych yn herio bod y prosesu yn anghyfreithlon. Os hoffech roi'r hawl hon ar waith, dylech gyflwyno cais yn nodi'r wybodaeth yr ydych yn dymuno i ni osod cyfyngiad prosesu arni.
- **Gofyn am drosglwyddo** eich gwybodaeth bersonol i barti arall: Mae gennych yr hawl i gael ac i ail-ddefnyddio'ch gwybodaeth bersonol at eich dibenion eich hun ar draws gwahanol wasanaethau – cyfeirir at hyn fel yr hawl i gludadwyedd data. Mae hyn yn eich caniatáu i symud, copïo neu drosglwyddo gwybodaeth bersonol yn rhwydd o un amgylchedd TG i un arall mewn ffordd ddiogel. Os hoffech roi'r hawl hon ar waith, dylech gyflwyno cais yn nodi'r wybodaeth yr ydych yn dymuno ei throsglwyddo. Os yw'r hawl yn berthnasol, mae'n ofynnol i ni gydymffurfio ag unrhyw gais o'r fath cyn pen mis.
- **Gwrthwynebu i ni brosesu** eich gwybodaeth bersonol: Mae gennych yr hawl i wrthwynebu prosesu eich gwybodaeth bersonol os yw wedi'i seilio ar berfformio tasg a gyflawnir er budd y cyhoedd. Mae gennych hefyd yr hawl i wrthwynebu lle byddwn yn prosesu eich gwybodaeth at ddibenion ymchwil neu lle byddwn yn prosesu'n awtomataidd (gweler yr adran Gwneud Penderfyniad Awtomataidd uchod). Os hoffech roi'r hawl hon ar waith, dylech gyflwyno cais yn amlinellu ar ba sail yr ydych yn gwrthwynebu, a byddwn yn ystyried eich cais yn unol â'n rhwymedigaethau dan ddeddfau diogelu data.

Os hoffech weithredu unrhyw un o'r hawliau hyn, ysgrifennwch at naill ai: **Subject Access Requests, Repayment Enablement, Infrastructure Verification, Student Loans Company, 10 Clyde Place, Glasgow, G5 8DF** neu anfonwch e-bost at **DSR_SLC@slc.co.uk**

Sylwer y gall fod angen i ni ofyn am wybodaeth benodol gennych chi i'n helpu i gadarnhau eich hunaniaeth a sicrhau ein bod yn cydymffurfio gyda'r hawl rydych chi'n ei arfer. Rhaid i ni gydymffurfio ag unrhyw geisiadau o'r fath o fewn mis. Gall hyn gael ei ymestyn am ddau fis ychwanegol os ydym yn ystyried y cais unioni yn gymhleth.

Hawl i Dynnu Cydsyniad yn Ôl

Yn yr amgylchiadau cyfyngedig ble rydych wedi rhoi cydsyniad i ni brosesu eich gwybodaeth bersonol i ddiben penodol, mae gennych chi'r hawl i dynnu eich cydsyniad yn ôl ar gyfer y prosesu penodol hwnnw unrhyw bryd. I dynnu eich cydsyniad yn ôl, gweler y rhifau cyswllt perthnasol ar dudalen un yr hysbysiad hwn neu ysgrifennu at y Swyddog Diogelu Data yn y cyfeiriad isod. Unwaith y byddwn wedi derbyn hysbysiad eich bod wedi tynnu'ch cydsyniad yn ôl, ni fyddwn yn parhau i brosesu'ch gwybodaeth i'r diben neu ddibenion y cytunoch iddynt yn wreiddiol, oni bai ei bod yn ofynnol i ni wneud hynny dan y gyfraith, neu os oes sail gyfreithlon arall dros wneud hynny mewn cyfraith.

Swyddog Diogelu Data a'r Hawl i Gwyno

Rydym wedi penodi Swyddog Diogelu Data ("DPO") i oruchwylio cydymffurfiaid gyda'r Hysbysiad hwn. Os oes gennych unrhyw gwestiynau ynglŷn â'r hysbysiad preifatrwydd hwn neu sut ydyn ni'n trin eich gwybodaeth bersonol, cysylltwch â'r DPO:

Swyddog Diogelu Data
10 Clyde Place
Glasgow
G5 8DF

E-bost: DPO@slc.co.uk

Mae gennych hawl i wneud cwyn ar unrhyw adeg i Swyddfa'r Comisiynydd Gwybodaeth ("ICO"), awdurdod goruchwylio'r DU ar gyfer materion diogelu data ynghylch sut ydym yn prosesu (neu wedi prosesu) eich gwybodaeth bersonol. Gallwch gysylltu â'r ICO trwy ysgrifennu at:

Swyddfa'r Comisiynydd Gwybodaeth
Wycliffe House
Water Lane
Wilmslow
SK9 5AF

E-bost: icocasework@ico.org.uk
Ffôn: 0303 123 1113

Newidiadau i'r Hysbysiad hwn

Rydym yn cadw'r hawl i ddiweddarau'r Hysbysiad hwn ar unrhyw adeg.

O bryd i'w gilydd, efallai y byddwn hefyd yn rhoi gwybod i chi am brosesu eich gwybodaeth bersonol mewn ffyrdd eraill.